

Sesanh Cunh:

Gyaeundei Lumj Dieg "Yanghwzlijlah"

被喻为“香格里拉”的美丽乡村杜山村

□ Dwng Cangj

Daj dieg gyae yawj aenmbanj gyaeundei.

Byaij haeuj Sesanh Cunh, menhmenh byaij gvaq Giuzbingzan, couh lumj haeuj daengz le fuk veh bya raemx hunggvangq maeg ndaem saek lwenq ndeu, yawj gvaq seiqlengq, conghheuj hoenzgaungau, roeg swenj va hom, giuz iq raemx lae, goengqbya beij sang; Dahsi' gyangh gyaeundei youh unqswnh, lumj diuz saicouz sawrwix ndeu ngomx gvaq doenghnaz gvangqmiengx; Byahwetmax soemswt dat sang daengj ndwn youq raeblaeng aenmbanj, ranlaeuz moqsup ndei yawj haenx aen dem aen ing bya dep raemx, caezcup yinzrwd dwk sieng youq song hamq diuzdah iq; Gamjdoegsaw, Bya' aensae doenghgij goengqbya sangvid mwncup neix hophumx youq seiqhenz aenmbanj. Gizneix mbouj miz gij nyukndwet nyapnyuk hawsingz, caenhmiz faex heu va hom hoengheiq singisien doxbuex. Boux baengzyoux Fazgoz daeuj gizneix cetyouz gvaq haenx baenzneix haenh naeuz, gizneix couh lumj dieg "Yanghwzlijlah" nei gyaeundei yinxvunz. Baengh gij gyaeundei baengh gij daegsaek de, Sesanh Cunh gonqlaeng aeundaaj daengx guet buet daihsam aenmbanj mizmingz lijyouz daegsaek gingjgvanh caeuj daengx guet haj sing gaep diemjguhyiengh youqndwi nungzyez caeuj lajmbanj lijyouz cwnghauh.

Sesanh Cunh dieg youq baihnaz Bingzanh Yangh Gunghcwnz Yauzcuz Swciyen, liz yienhsingz miz 5 goengleix gyae, dwg aen mbanj ndaw diegguenj Sinhgaish Cunhvejve. Sesanh Cunh dwg Gunghcwnz aen mbanj hwnjguh lajmbanj moq sevei cujiy cei q caeux ndeu, yienh yangh song gaep dangvejij cwngfuj gonqlaeng roengzgaenz 2000 lai fanh maenz, doi q daengx mbanj guh le cienzmienh dajveh hwnjguh, guhbaenz le yiengh ranz yiengh mbanj gaijguh, haenzdah re raemxrongz yawj gingj, cunh gaep cunghab fuzvu cungsime nem hekyouz dakdaih cungsime, lanzgiuzcangz, laeuzfaex luengq-hongh raez, daengroen ndatdaengngoenz, ciengz biujyienj Yauzcuz aeuyah baehaq, dieg baijyienj dinfwngz dwk youzcuz Gunghcwnz, henz roen ndaw hongh ndaem faex ndaem va, ciengz dingz ci caeuj diuzroen hung haeuj mbanj doenghgij hanghmoeg neix; dauq coih ndei Miuwvengzsix, guh gij siengq gaekdeu lwnh gojgaeq haeuj Ging ganjgauj Lungz Sizyau bouxvunz gwnz lizsij dangdieg neix. Seizneix, aen cunh neix hailaeb miz cimhra rin bingzan, vadruz, yawj ranz moq ranz gaeuj ndaw mbanj, bin dat cet bya, cimz youzcuz Gunghcwnz, yawj fungcingz minzcuz biujyienj, bae ndaw reihnaz dajndaem dajndai doenghgij hanghmoeg neix, ndaej baenz Gunghcwnz aen mbanj mizmingz daegsaek lijyouz comz miz minzcuz fungcingz yawj gingj caeuj youqndwi lijyouz nungzyez ndeu.

Sesanh Cunh yawjnaek cingsaenz vwnzmingz gensez, hawj saedceij cingsaenz vunzmbanj lai cungj lai yiengh, gaenxmaenx ungganq vunzmaenh vwnzva caeuj bouxguzgan vwnzyi lajmbanj, sonyinx canghheiq ndaw mbanj laebbaenz vwnzyi senhconzdui, ciengzseiz cujiz gyoengqde guh gij minzsuz vwnz dij hozdung vunzlai gyaez yawj haengj dingq haenx. Baez daengz ngoenzciet, Yauzcuz aeuyah baehaq biujyienj, dwk youzcuz Gunghcwnz, foux boq venz roqgyong, foux gaeuyiengz Yauzcuz doenghgij biujyienj cietmoeg neix, caiqlj baijyienj dinfwngz siungauz laeujhaeux, guh daeuhfouh hawq dangdieg doenghgij hozdung neix, swncienz le vwnzva maenhndei conzdungj Yauzcuz, hawj vunzmbanj dangdieg caeuj hekyouz ndaw guet rog guet gaenhged daejniemh daengz gij rengzhoengh vwnzva Yauzcuz yenzswnghdai de.



▲ Giuzbingzan lienz doeng song hamq dah.



▲ Vunzmbanj baijyienj funksug Yauzcuz.



▲ Doumbanj hungsang coux hek daengz.



▲ Luengqhongh vwnzva dwkcaz daegsaek yienhda.



▲ Aengiuh bawxmoq haeuj mbanj dem nauhyied.



▲ Hekyouz vad ruz youzangq.